

Agresija i nasilje su prisutni na svakom području čovjekova života. Gotovo da ne postoji ni jedan njegov segment a da nije prožet nekom vrstom agresije i nasilja: fizičke, psihičke, emocionalne, moralne, simboličke, verbalne, ili bilo koje druge vrste agresije i nasilja. I agresija i nasilje obuhvataju i prožimaju sveukupnu čovjekovu kulturu i njegov svakodnevni život.

Da bi se potpunije shvatila suština, prisutnost i rasprostranjenost agresije i nasilja, najprije ćemo se zadržati na pojmovima “kulture” i “svakodnevnog života”, a potom na pojmovima “agresije” i “nasilja”.